

III. REGNUM MORTUORUM.

Nro. 84.

Elysiūm-Meum.-Die Martis 5. Dec. 1809. (Neov. 17. Nov. 1809.)

(A n i m a d v e r s i o n e s

de Pace perpetua.

Omnes pacem optant, et omnes quotidie extra pacem constituuntur.

Cic. de Off.

Res pulcra pax est; pacem deposcimus omnes, singuli nihilominus homines, quodlibet pene, ut dicam, animal quotidiano in bello versatur; Pisces majores, minores devorant, & ad Insectorum usque Classē continuas attritiones animadvertimus, in quibus debiliores succumbunt. In Statibus, fortes inter & imbelles homines; imo in quibusvis domibus, ipsis adeo culinīs hostilitates foventur, bellis superas.

Vix duo homines orbem incolere, jam bellum aderat. Ut Cainus cum Abele egit? „pacem optamus omnes, omnes quotidie extra eam versantur” ait Romanus Orator, hominum Officia ab experientia describens.

At optabilisne perpetua pax? id, age, disquiramus! — Omne injustum intermittere obligatio Statuum est, & singulorum hominum. Pax perpetua consistit in ultronea agnitione Jurium Statuum, exacta continuaque eorum custodia. — Eam ratio præcipit, proin obligatio est. Quod vero obligationis est, ho-

mini negligendum haud est — verum quid-
 quid agitur, etiamsi officium sit, fini quoque
 ad commodissima ratione effectui dandum est.
 Jam quaeritur: quibus sub conditionibus per-
 petua pax optabilis videri possit; — Homi-
 num causa pax vigere debet, perpetua igi-
 tur pax, iis finibus nequaquam adversetur
 oportet; quos homo in hoc mundo assequen-
 dos habet. Finis existentiae ejus, est cultura fa-
 cultatum ejus 1. ad *subsistentiam per se*: 2. ad
partitionem legi morali, qui vires suas exco-
 lendas habet, eget conveniente fini ambitu,
 in quo exercere, roborare, & perficere eas
 possit. — Nihil exercitium virium turbat ma-
 gis, quam metus poenae & servitutis, quippe
 ad exercitium hominem, ens liberum, *per se*
consistens oportet. Civitas, in qua vivit liber-
 tatem, *sui consistentiam* estimare debet; sique
 metu molestiae cujusdam, aut Jurium priva-
 tionis solutus esse cupit, *politica forma* ita com-
 parata sit, ne aut imperans subditis, aut hi
 imperanti Injuriam facere possint. Utrumque
 adversum Juri consilium in medium prodit,
 in publicam Status *organisationem* allidere,
 omnes injusto adversari posse debent. — In
 tali statu rerum homo libere & imperturbate
 omnia, quae *Juris permixivi* sunt, agere, cum-
 que adversus omnem injuriam tutus sit, im-
 perturbate excolere, & mentem perficere, &
 per se consistentem reddere potest — si hoc
 obtinet, dum perpetua pax optabilis est,
 non enim adversatur culturae, homo conti-
 nuo *se* libere movere potest. — Nunquam

mpotivo cogitandi agendique destituitur, & occasione explorandi vires, suamque mentem declarandi. Constitutio politica libera est, ipseque id, quod illa est, fieri potest, habet patentem campum vires suas exercendi, nemo eum turbare cogitat, quod mendum habeat, molestiam aliis adferre, seque publico contemptui exponere, publicamque poenam accerere.

Dum Civitas nullam injuriam facere potest amplius, viribus occasioneque destituta, tum singulari homini exemplo servit ad bonum, hic actiones solum justas circum se videt, firmumque decretum animo fovet, a prescripto rationis non desciscendi, stimulat boni aspectus ad adpetendum, ut mali ad aver sandam, Liberi parentum typus sunt, subditi contra, politicae constitutionis, imperanturque suorum. Si proin eo res perducta, ut libertas jusque dominantia Statuum principia sint, eorumque interna constitutio ita comparata, ut utrique veneranda sit, tum perpetua pax optabilis est, promovet hominum Culturam, cum ii occasionem, modumque habeant, se in quibusvis, quae juris sunt, tentandi, perfectamque in pubertatem afferendi. Ex quo consequitur perpetuam pacem plures Status supponere, quorum quivis Independentiam, & per se subsistentiam honorat; & cujusvis politicam internam formam ita comparatam esse, ut omnium jura tueatur, publicamque injustitiam ad res, quae fieri non possunt, referri; hoc temporis articulo Euro-

pæ illucente optabile id est, quod jam hodie est obligationis.

In quibusvis Conventis publicis gentes perpetuam pacem reciproce sibi pollicentur, conceptis his verbis: pax perpetua inter ambos vigeat — at hæc perpetuitas politico sensu, ceu officiositatis nota accipienda est. An non scribitur in litteris & non dicitur in occursum: Servus humillimus, obsequentissimus, & tamen, quid fieret, si id genus humillimus servus cubile mundare juberetur? —

At vero, nihil morantibus his animadversionibus probabilissimum videtur, pacem hodie Galliam inter & Austriam initam, Continentem diuturna quiete protecturam, qua occasione gaudium contineri nequit, quod felix adeo augurium largitur; sane notari meretur: pacem hanc effectum diuturnæ transactionis (quadrimestris enim erat) fuisse; diuturnitas, quæ antecedentibus pacis transactionibus insolita erat.

Ea etiam animadversio suapte se offert, hodiernum Ducatum Varsov. qui ita dicendo novam penitus formam politicam nactus, repente adeo prosperam adversus veteres regulares Austriacas copias resistantiam præstando fuisse; plurimæ legionis Polonicæ copiarque novæ erant, exercitationis expertes, strenue nihilominus Galliciam utramque invasere, & notabiles progressus fecere! — deirco Princeps Ponyatowsky Gen. Supr. Polonici exercitus Dux, litteras admodum Plaudientis argumenti, & pretiosum ensem

dono in tesseram perfectissimæ adprobationis
 splendidissimi triumpho, quem, libertati asseren-
 do Ducatum Varsov. occupationeque plurium
 provinciarum veteris & novæ Gallicæ, vin-
 dicando perantiquam armorum Polonicorum
 gloriam absque extraneo auxilio sola Polo-
 cæ gentis animositate peperit, ab Imp. Na-
 poleone percepit. — In una ensis parte lit-
 teræ contractæ Imperatoris, altera magna le-
 gionis honorariæ Stella conspicitur.

Sequelæ Tractatus Viennensis sequentes
 quoque intuitu Croatiæ suppeditant animad-
 versiones: Confinium militare ab Austria ad-
 versus Turcos erectum; & duorum ultra Sæ-
 culorum experientia probatum, novissime ab
 Adria secundum Croaticos, Slavonicos, Dal-
 maticos & Transilvanicos limites extendeba-
 tur. In hoc 230 milliaria longo, noctu diu-
 que 4380 armatis custodito terræ tractu, sita
 est memorabilis regio militaris, in Genera-
 latus, legiones, Centuriasque pro magnitudine
 Districtuum divisa. Incolæ una coloni, &
 permanentes milites sunt. Omnes gerundo-
 rum armorum capaces a 14—60 ætatis anno
 faciendis stipendiis tenentur, ordine eos tan-
 gente, in confinio legionis suæ excubiis agen-
 dis, quod Turcæ a suis Magistratibus a præ-
 dis agendis cohiberi nequeant. Pro his, Croa-
 tis cedunt fundi minores, quibus integræ fa-
 milix dense insident, frequenti venatu vitam
 tolerant, a tributo præstando immunes, certa
 etiam pro vestitu subsidia obtinent. Eorum
 Officiales militares juxta & civiles Magistra-

tus gerunt, sparsim per vicos suarum degentes legionum. Croatiae, apud quos hæc ordinatio antiquissima, originis sunt Slavicae, plurimum Græcæ Ecclesiæ addicti, inque Annalibus Exercitus Austriaci seu leves pedestres copiae quovis tempore inclaruere. Animos advertere volunt: minus illustria stipendia fuisse, ex quo regularem formam, qua aliis copiis similiores effecti, habent, — Ad præsens in duos Generalatus distribuebantur: Carolostadiensem, & Varasadinensem. Ille cessus prout seqv. legiones: Liccana, Ottochana, Ogulina, Szuinentis, legionerque in limite Banatico inter Colapim & Unnam, pertinentque ad neo erectam provinciam Illiricum.

Quo pacatior hodie orbis redditur, eorariiores etiam mordaces, & curiositatem excitantes sunt novitates. Parisiis de 12. Novemb. seqv. scribuntur:

Monitor hodiernus hæc ex Fonte bellaqueo de 11. h. memorat: Rex Westphaliae aliquot diebus isthic moratur. Heri, & nudius tertius Venatus ferarum compulsarum, hodie violentus ut dicitur, (par force) instituebatur, videre licet multas illustres personas ad crastinum aulicum Conventum convenientes. Frequentes quoque Choreæ in majore Oeco arcis celebrandæ, & drama: Romeo & Julia in theatro aulico producendum perhibetur.

Deputatio græcæ Synodi in Dalmatia isthuc adpulit, ad tractatus homagiumque Conventu: hujus Imperatori exhibendum.

Londino die 4. Nov. Die 2. h. m. nova Ministerii membra occasione solennis accessus regi præsentata. In his animadvertere licuit Lordium *Liverpool*, qua Secretarium Status Collegii bellici, & Coloniarum; atque Lordium *Palwerston*, qua inferiorem ejusdem Collegii Secretarium Status. — Eodem die præsentarunt urbis Londin. & Universitatum Oxon. et Cambridgensis regi gratulatorias pro anno regiminis sui jubilar. Lordius Major Londin, ea occasione Baroneti, & uauis seniorum Civium (Aldemannus) equitibus dignitate ornatus est.

Secundum novissimos nuncios ex Hispania usque 21. Octob. princeps hospitium exercitus nostri in urbe Badajoz fuit. Major exercitus pars æque in ea regione constitit; multum morbis continuo passa.

Die 2. hujus D. Samuel Hood Portmuthio in mare mediterraneum vela dedit. Incolit is Centaurum 78 tormentorum, in comitatu Warspile totidem tormentorum, militari cum imperio Clasticulæ linealium præfecturus dicitur, rem maritimam commerciumque, Russiæ in mari nigro infestaturus. Dux Porthlandiæ his diebus mortuus est.

Monachio die 11. Nov. „Ab exercitus agmine in Circulo Oenano stationem habente hæc nunciata: Gen. Major C. a Beckers in sua positione militari ad Steinachum, & Collo-niellus a Dallwigk ad Schönbergam, & Matrey usque 9 mane pene continuo ab Insurgentibus infestati sunt. Ex eo tempore tran-

quillitas major est. Insurgentes excubias suas retraxerunt. Præcursoria Suae Cæsareæ Serenit. Proregis heri Sterzingenam adpulerit, & ad minimum hodie cum præcursoria Cohorte Regiarum copiarum ad Montem Brenner se conjunxerit."

Augusta 12. Nov. Celeres nuncii provinciales Vindobona Parisios, & vicissim quotidie comitant. — Præter 2—3000 militares domibus Civium illocatos priore hebdomade supra 500 Officiales, 12000 circiter gregarii plurimi ex Cæsarea Prætoriana turma numerabantur; perinde hospitibus illocati.

Sua Maj. rex Saxoniae die 13. hujus Parisios advenit:

Duo Deputati ex Tyroli Gothenburgum advenerunt, in Angliam, opis pro libertate sua vindicanda quærendæ Causa transfretaturi. (paulo est sero)

Jucundus — hilaris.

Jucundus est: qui bene sibi esse signis luolentis, voluptatem indicantibus, declarat; hilaris, denotat pacatiorem animi statum, in quo voluptas non tantopere in corporeos motus erumpit. Vetus germanicum diverbi-um est: *Jucunde vixisse, hilariter vita excessisse et demoni lusum destruxisse.* —
